



11. september 2008

Inatsisartut Suleriaasianni § 36-mi, imm. 1 naapertorlugu ataani allakktigut matumuuna Naalakkersuisunut apeqquteqarniarpunga.

Aalisarnermut, Piniarnermut Nunalerinermullu Naalakkersuisup Kalaallit Nunaata IWC-mit aninissaa pillugu oqaaseqaatai pillugit Naalakkersuisunut apeqqut
(Inatsisartunut ilaasortaq Jens B. Frederiksen, Demokraatit)

Tunngavilersuut:

Aalisarnermut, Piniarnermut Nunalerinermullu Naalakkersuisup danskit nunanut allanut ministeriat Kalaallit Nunaata IWC-mit aninissaanut akuerseqqullugu kaammattorpaa. Finn Karlsenimit isumassarsiaq taanna tupaallannartoq Inatsisartut Aalisarnermut, Piniarnermut Nunalerinermullu ataatsimiititaliaannut saqqummiunneqanngilaq. Tamanna tunngavigalugu apeqqutinik ataani allassimasunik Naalakkersuisunut apeqqutissaqarpunga, ullut suliffiusut qulit qaangiutinnginneranni akineqarnissaat qinnutigalugu.

1. Aalisarnermut, Piniarnermut Nunalerinermullu Naalakkersuisup Kalaallit Nunaata IWC-mit aninissamik kissaateqarneranut suut tunngavigineqarpat?
2. Aalisarnermut, Piniarnermut Nunalerinermullu Naalakkersuisup taamatut kissaateqarneranut Naalakkersuisut tamarmiullutik isumaqataanerat tunuliaqutigineqarpa?
3. Aalisarnermut, Piniarnermut Nunalerinermullu Naalakkersuisup kissaateqarneranut Naalakkersuisunut illuatungiliuttut tamatumunnga isumaqataappat?
4. IWC-mit aninissami iluaqutissat suut Naalakkersuisunit isiginiarneqarpat?
5. Taamatut sakkortuumik aalajangerneq Inatsisartut Aalisarnermut, Piniarnermut Nunalerinermullu ataatsimiititaliaannut sooq saqqummiunneqanngila?